



Kakanj, 14.12. 2016. godine.
Broj: 01/D-01-43- 17304 /16

Na osnovu člana 68. Statuta JP Elektroprivreda BiH d.d.- Sarajevo Zavisnog društva Rudnika mrkog uglja "Kakanj" d.o.o. Kakanj i Preporuke Komisije za javnu nabavku broj: 799-11/16 od 24.11.2016. godine po otvorenom postupku (OP: 30/16 – Nabavka jamske građe), a u skladu sa članom 70. i 71. Zakona o javnim nabavkama („Sl. glasnik BiH“, broj 39/14), Direktor Društva mr.sci. Kasim Alajbegović, dipl.ing.maš.donio je

ODLUKU o izboru najpovoljnijeg ponuđača

Član 1.

Za najpovoljnijeg ponuđača za nabavku roba – Nabavka jamske građe po provedenom otvorenom postupku OP: 30/16 izabran je sljedeći ponuđač:

Naziv / ime ponuđača		Ukupno ponuđena cijena bez PDV-a
1.	GRUPA PONUĐAČA: „NAHONAL-GAS“ d.o.o. Breza i „KRAN“ d.o.o. Olovo	218.625,00 KM

Član 2.

Prijedlog ugovora o nabavci dostavit će se na potpis izabranom ponuđaču: GRUPA PONUĐAČA „NAHONAL-GAS“ d.o.o Breza i „KRAN“ d.o.o. Olovo po isteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Obavezuje se izabrani ponuđač iz člana 1. ove Odluke da u roku od 5 (pet) dana od dana prijema ove Odluke dostavi dokaze tražene tačkom 3.1. (član 45. Zakona o javnim nabavkama) tenderske dokumentacije.

Član 4.

Odbija se ponuda ponuđača „ALI&VIS“ d.o.o. Kreševo, dostavljena u postupku nabavke - Nabavka jamske građe po obavještenju o nabavci broj: 967-1-1-809-3-136/16 od 18.10.2016. godine objavljena na portalu javnih nabavki, kao neprihvatljiva.

Član 5.

Za izvršenje ove odluke zadužuje se i ovlašćuje Komercijalna služba ZD RMU „Kakanj“ d.o.o.- Kakanj.

Član 6.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 7.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke o pokretanju postupka javne nabavke broj: 01/D-01-43-11559/16 od 19.09.2016. godine.

Procijenjena vrijednost javne nabavke bez PDV-a je 237.500,00 KM.

Obavijest o nabavci broj: 967-1-1-809-3-136/16 poslana je na objavu dana 18.10.2016. godine, a isti dan objavljena je na Portalu javnih nabavki.

Komisija za javnu nabavku je dana 24.11.2016. godine sačinila Zapisnik o ocjeni ponuda broj: 797-11/16 i Preporuku o izboru najpovoljnijeg ponuđača broj: 799-11/16 u postupku javne nabavke roba - Nabavka jamske građe.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda dvije (2),
- da su blagovremeno zaprimljena dvije (2) ponude,
- da nije bilo neblagovremeno zaprimljenih ponuda,
- da je ponuda grupe ponuđača „NAHONAL-GAS“ d.o.o Breza i „KRAN“ d.o.o. Olovo prihvatljiva,
- da ponuda ponuđača „ALI&VIS“ Kreševo nije prihvatljiva.

Razlozi odbijanja ponude ponuđača „ALI&VIS“ d.o.o. Kreševo:

Ugovorni organ je Aneksom 7 – Tehnička specifikacija od ponuđača tražio da u ponudi obavezno naznače državu porijekla i naziv proizvođača predmeta nabavke.

U svrhu dokazivanja gore navedenog uslova ponuđač je trebao da dostavi „Izjavu ponuđača u kojoj se jasno navodi naziv proizvođača i država porijekla ponuđenog predmeta nabavke“.

Ponuđač „ALI&VIS“ d.o.o. Kreševo na strani 55. svoje ponude je dostavio Izjavu o porijeklu robe u kojoj navodi sljedeće: „IZJAVLJUJEMO da je porijeklo ponuđene robe BiH, o čemu u ponudi dostavljamo tražene validne dokaze: izjavu ponuđača i dokaz izdat od vanjskotrgovinske komore BiH.“

Na strani 49. Svoje ponude ponuđač je dostavio pomenutu Potvrdu Vanjskotrgovinske komore BiH u kojoj se navodi sljedeće: „Potvrđuje se da niže navedene robe zadovoljavaju uvjete za izdavanje certifikata o bh porijeklu:

1 Jamska građa – rudno drvo četinaru“

Dalje se navodi „Proizvode iz prethodne točke proizvodi društvo „ALI&VIS“ d.o.o. Kreševo, koji se identificira sa ID: 423650220000, čija je pretežna djelatnost proizvodnja rezane građe i imregnacija drveta.“

Dakle, skladu sa gore navedenim, ponuđač nije dostavio Izjavu u kojoj se jasno navodi naziv proizvođača i država porijekla ponuđenog predmeta nabavke, kako je to traženo Aneksom 7-tehnička specifikacija. Umjesto gore navedene Izjave ponuđač upućuje na Potvrdu drugog organa koji navodi da je ALI&VIS“ d.o.o. Kreševo „pretežna djelatnost proizvodnja rezane građe i imregnacija drveta“.

U vezi sa gore navedenim, Ugovorni organ je uvidom u dostavljeni Aktuelni izvod iz sudskog registra ponuđača „ALI&VIS“ d.o.o. Kreševo konstatovao da ponuđač „ALI&VIS“ d.o.o. Kreševo nije registrovan za obavljanje djelatnosti u oblasti proizvodnje predmeta nabavke, tj. u Aktuelnom izvodu nema upisanu šifru djelatnosti 02.20. Sječa drva (iskorištavanje šuma) za koju, između ostalog, u zvaničnom opisu ove šifre djelatnosti stoji sljedeće: proizvodnja trupaca koji se koriste u neobrađenom obliku kao što su: jamska drva, TT stubovi, motke i kolje“

Dakle, ponuđač nije registrovan za proizvodnju jamskog drveta, samim time nije jasno naveo porijeklo jamskog drveta.

S obzirom da je ponuđač „ALI&VIS“ d.o.o. Kreševo dao nejasnu Izjavu o porijeklu robe, iako je Aneksom 7 – tehnička specifikacija traženo da se jasno navede naziv proizvođača i država porijekla, komisija konstatuje da ponuđač nije zadovoljio gore navedeni uslov te se ponuda kao takva ne može smatrati prihvatljivom.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjele ponude, shodno kriterijima iz Tenderske dokumentacije.

U postupku ocjene provedenog postupka, Direktor društva nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

Naziv / ime ponuđača		Ukupno ponuđena cijena bez PDV-a
1.	GRUPA PONUĐAČA: „NAHONAL-GAS“ d.o.o. Breza i „KRAN“ d.o.o. Olovo	218.625,00 KM

Izabrani ponuđač je izabran primjenjujući kriterij najniže cijene, koja je ponuđena u iznosu od 218.625,00 KM bez PDV-a.

Iz navedenih razloga, primjenom člana 64. stava (1) tačka b) najniža cijena Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba JP Elektroprivreda BiH d.d.- Sarajevo Zavisnog društva Rudnika mrkog uglja "Kakanj" d.o.o. Kakanj, najkasnije u roku od 10 (deset) dana od dana prijema ove odluke.



Direktor Društva

mr.sci. Kasim Alajbegović, dipl.ing.maš.

Dostavljeno:

1x Direktor Društva

1x Učesnici u postupku javne nabavke

1x a/a